



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annus Cisterciensis

In quo Pia, Et Brevi Apostrophe proponuntur Veneranda, & Imitanda Gesta
præcipua, & eximiæ Virtutes Sanctorum ac Beatorum utriusque sexûs
Ejusdem Sacri, Et Ab Origine Sua Exempti Ordinis

Meglinger, Joseph

[S.l.], Anno MDCLXXXIII.

15. Octobris. Idibus.


urn:nbn:de:hbz:466:1-45314

reportarent, tu solus contra mortem
petiisti, quam etiam non sine prævius
de futura felicitate præsagis, inter
Ecclesiæ Sacramenta ibidem obiisti.
Mortem beatam efficit mors concupiscen-
arum; quam ut ego quotidie in me magis
ac magis sentiam, tu me adjuva: cessabit
in me omnis formido mortis, si manu ani-
mosa furentes hos motus trucidavero.

S. BERNARDUS, ser. 25. in Cant.

Mors
mortē
miti-
gat.

Moriatur anima mea morte justorum,
ut nulla illam illaqueet fraus, nulla
oblectet iniquitas. Bona mors, que
vitam non aufert, sed transfert in me-
lius: bona, quā non corpus cadit, sed
anima sublevatur.



15. Octobris. Idibus,

Obiit
anno
1243.

S. HEDWIGIS Poloniæ Ducissa:
quæ infantiam ætati reliquæ non
aliter præmisisti, quā solet antece-
dere aurora Solem, verba enim & mo-
res mera erant futuræ sanctimonix
omina. Nupta illustri Poloniæ & Si-
lesix Duci Henrico, post genitas illi
sex proles, continentiam non invito
persuasisti, erecto in sacri fæderis mo-
numentum Monasterio Trebiniacen-
si: quod tam opulenta dote decorasti,
ut nun-

ut nunquam infra centum Virgines
 sub Instituto Cisterciensi ibidem DEO
 famulentur. Dotem alteram addidisti *Mona-*
 Filiam, ac denique teipsam: rerum ta- *sterium*
 men imminentium præscia, non sta- *insigne*
 tim induebas habitum, sed in peculi- *cōstruit*
 ari domo sollicitam te Martham ege-
 nis præbuidisti. Et operâ quidem tuâ e-
 gebat & maritus: per insidias ab ho- *Et cum*
 stibus captus: ad quem sinè mora pro- *filia in-*
 perans sola præsentia iniquos deten- *trat.*
 tores ita terruisti, ut etiam pacis con-
 ditiones illis scriberes. Pro triumpho
 vestis non palmata, sed Religiosa pla- *Mari-*
 cuit, detrita & vilis, veluti etiam de- *tum ab*
 inceptus victus, quem à pauperum gre- *hostib⁹*
 ge, stipem ad fores Monasterii accipi- *liberat.*
 ente, emendicare, aut redimere melio-
 ribus cibis solebas. Tanto honore per- *Pau-*
 sonas DEO devotas prosequeris, ut *pertatē*
 quotiescunque sese offerebat occasio, *amat:*
 eorum vestigiis oscula infigeres. Quod
 cum aliquando in Monasterio ageres, *Christ⁹*
 quædam Monialis conspexit Christi *de Cru-*
 Servatoris Imaginem soluto de Cruce *ce illi*
 brachio tibi bene precantem, cum di- *Benedi-*
 cto, exauditas esse tuas preces. Id sa- *cit.*
 nè plurimi experiebantur, quos edito
 Crucis signo à morbis quibuscunque
 liberavisti: imò & duo quidam extre-
 mo affecti supplicio, quos altera die
 incolumes

*Cordiū
arcana
inspicit.*

*Mortē
suorum
fert
equa-
nimitē*

*Pul-
chrior
apparet
mortua*

in:olumes de infami ligno iussisti re-
solvi. Didicerunt & alii complures,
quibus suorum cordium occulta dete-
xisti. Nuncium de obitu Mariti & fi-
lii ficcis oculis ideo te audisse dicebas;
quod nimia in huiusmodi casibus per-
turbatio in Divinæ Providentiæ inju-
riam cedat, arguâtque infinitam il-
lam Bonitatem imperfectionis in di-
sponendo Universi regimine. Eadem
mentis tranquillitate excepisti mortis
ictum, jam diu ante cœlitus notum: &
sanè quomodo metueres, cum ipsa
Misericordiæ Mater choro beatarum
mentium stipata egredienti animæ si-
num offerre visa fuerit. Corpus ab
inedia aliisque afflictationibus detri-
tum & pallidum, statim ab obitu vi-
vacissimum induit colorem, effuditq;
odorem longè suavissimum. Illud
post annos triginta è sepulchro per so-
lennem pompam eductum tres digi-
tot habuit omnino incorruptos, qui-
bus effigiem Matris Virginis eburne-
am gestabas. Exaudiri etiam nunc pre-
ces tuas à Clementissimo Iudice dubitari
non potest; illum itaque mihi redde placat-
um: scio me gravissimè reum esse, sed &
illum infinitè misericordem: suggere illi,
ut me modò corripiat misericors pater, ut
postmodum absolvat Iustus Iudex.

B. RICH-

B. RICHWINE, Monache Heisterbacensis; qui sub tyrocinii decursu *Floruit anno 1222.* recepta clam epistola perverſæ cuius tam Monialis ad ſæculi vitia revocatus, paratum hunc à maligno laqueum precibus tandem expugnâſti, deinceps ab huiusmodi certamine liber, ac cœlitibus intimè dilectus. Quod manifestum fecere aliquando fulmine è sereno aëre in militem vibrato, qui te equo spoliare tentaverat. Ita nihil non potest pia oratio: cui ut libenter instamus, nostra nos persuadere deberet miseria & infirmitas, hoc sublevanda remedio: tum invitare magna illa promissio: Quidquid orantes petitis, credite quia accipietis.

S. BERNARDUS, ser. 5. de XL.

Nemo, fratres, parvipendat orationem suam: dico enim vobis, quia ipse, *Oratio semper aliquid impetrat.* ad quem oramus, non parvi pendit eam. Priusquam egressa sit ab ore nostro, ipse scribi eam jubet in libro suo: & unum indubitanter è duobus sperare possumus, quoniam aut dabit, quod petimus, aut quod noverit esse utilius.

